



SAOPĆENJE ZA JAVNOST

Presuda za organizovani kriminal visokog nivoa zbog podmićivanja na lokalnim izborima 2024. godine osuđena grupa od 11 lica

(Brčko, 24.04.2025. godine)

Objavom presude pred Osnovnim sudom Brčko distrikta BiH nepravosnažno je okončan krivični postupak protiv prvooptuženog Alije Denjagića (60)*, zastupnika u Skupštini Brčko distrikta BiH i drugooptužene Admir Ramić (47)* zbog izvršenja krivičnog djela „Udruživanje radi počinjenja krivičnih djela“ iz člana 334 stav 1) i 2) Krivičnog zakona Brčko distrikta BiH u sticaju sa krivičnim djelom „Povreda slobode odlučivanja birača“ iz člana 192 stav 1) istog zakona.

Prvostepenom presudom, Alija Denjagić osuđen je na jedinstvenu kaznu zatvora u trajanju od 1 (jedne) godine i 10 (deset) mjeseci zatvora zbog izvršenja navedenih krivičnih djela, te izrečena mu je mjera sigurnosti zabrane vršenja dužnosti zastupnika u Skupštini Brčko distrikta BiH u trajanju od 7 (sedam) godina. Istom presudom, Admir Ramić osuđena je na jedinstvenu kaznu zatvora u trajanju od 1 (jedne) godine i 1 (jednog) mjeseca za ista krivična djela.

Podsjetimo, Tužilaštvo Brčko distrikta BiH je u januaru 2025. godine podiglo optužnicu protiv jedanaest lica zbog podmićivanja na lokalnim izborima 2024. godine. Optuženi su tada Alija Denjagić (60)*, Admir Ramić (47)*, Suvad Tabaković (48)*, Amer Hadžić (53)*, Admir Omerčić (45)*, Samid Mujkić (56)*, Irnes Mehmedović (27)*, Hakik Nezirović (63)*, Alija Džombić (52)*, Safet Hasikić (40)* i Hasan Begić (36)*.

U toku 2025. godine, devet optuženih lica priznalo je svoju krivicu za učinjena krivična djela iz člana 334 i člana 192 Krivičnog zakona Brčko distrikta BiH, pa je Osnovni sud Brčko distrikta BiH u odvojenom krivičnom predmetu pravosnažno osudio ih na slijedeće kazne:

- Suvad Tabaković osuđen je na jedinstvenu kaznu zatvora u trajanju od 4 mjeseca i 15 dana,
- Amer Hadžić osuđen je na jedinstvenu kaznu zatvora u trajanju od 2 mjeseca i 15 dana,
- Irnes Mehmedović osuđen je na jedinstvenu kaznu zatvora u trajanju od 2 mjeseca i 15 dana,
- Samid Mujkić osuđen je na jedinstvenu kaznu zatvora u trajanju od 2 mjeseca,
- Hasan Begić osuđen je na jedinstvenu kaznu zatvora u trajanju od 2 mjeseca,
- Safet Hasikić osuđen je na jedinstvenu kaznu zatvora u trajanju od 1 mjeseca i 15 dana,
- Admir Omerčić osuđen je na jedinstvenu novčanu kaznu u iznosu od 2.300 KM,
- Alija Džombić osuđen je na jedinstvenu novčanu kaznu u iznosu od 1.500 KM,
- Hakik Nezirović osuđen je na jedinstvenu novčanu kaznu u iznosu od 1.300 KM.

Dakle, Tužilaštvo Brčko distrikta BiH je u predmetu organizovanog kriminala visokog nivoa u vezi sa korupcijom uspjelo dokazati nezakonito postupanje visoko pozicioniranog izabranog dužnosnika Brčko distrikta BiH koji je organizovao grupu od jedanaest ljudi sa ciljem počinjenja krivičnog djela na lokalnim izborima 2024. godine. Svi članovi ove organizovane grupe su osuđeni, te izrečene kazne zatvora zbirno imaju trajanje od 4 (četiri) godine i 2 (dva) mjeseca, novčane kazne su u zbirnom iznosu od 5.100,00 KM, te prvooptuženom je izrečena i mjera sigurnosti zabrane vršenja dužnosti zastupnika u Skupštini Brčko distrikta BiH u trajanju od 7 (sedam) godina.

**VRŠILAC DUŽNOSTI GLAVNOG TUŽIOCA
VLADIMIR TEPAVČEVIĆ**